

駢雅訓纂

十六卷

4-3-1

0148841



148841

98765.8.15

國立臺灣大學圖書館典藏
由國家圖書館數位化

雅卷三上

訓養五

釋名稱

王父王母祖父母也。

爾雅釋親父之考為王父。父之妣為王母。

注加王者尊之。

釋名釋親屬第十一祖祚也祚物先也又謂

之王父王母也家中所歸也王母亦如之

古曰

嚴君父母也。

易家人彖傳家人有嚴君焉疏父母一家之主家

人尊事同於國有嚴君故曰家人有嚴君焉父母之謂也

嬖嫫毘嫫母也。

廣雅釋親媼妣毘嫫媼姐姐母也疏證毘與下

姐字同說文蜀人謂母曰姐毘各本作媼蓋因上文爸字從巴

而誤集韻類篇毘字注引廣雅毘母也媼字注亦云母也則宋

時廣雅已有譌作媼者考玉篇廣韻俱無媼字玉篇姐古文作

拋廣韻媼楚人呼母也按廣雅所釋本以一字為義鬱儀以拋

嬖嬖嬖牽合爲文失之。嬖音畢。嬖乃弟奴解。二反。抛子我子倚二反。

世父伯父也。

爾雅釋親父之兄弟先生爲世父。後生爲叔父。釋名釋親屬第十一。父之兄曰世父。言爲嫡統繼世也。又曰伯父。

伯把也。把持家政也。

鼻祖始祖也。

方言十二。鼻始也。畧之初生謂之鼻人。之初生謂之首。梁益之間謂鼻爲初。或謂之祖。漢書揚雄傳。上有周氏之

嬖。嬖兮或鼻祖。於汾隅。注劉德曰鼻始也。師古曰雄自言系出

周氏而食采于揚。故云始祖於汾隅也。

太高祖先也。

淮南子汜論訓。饗大高者而彘爲上牲。注大高祖

也。大與太通。古人太字多不加點。如大極大初大素大室大

廟大學之類。後人加點以別小大之大。遂分而爲二矣。

夫之父曰君舅。母曰君姑。曰尊章。曰威姑。夫之庶母曰少姑。夫之兄曰兄公。姊曰女公。爾雅釋親婦稱夫之父曰舅。稱夫之母曰

姑姑。舅在則曰君舅。君姑沒則曰先舅先姑。漢書廣川王傳

背尊章。注尊章猶言舅姑也。說文解字第十二姑夫母也。威

姑也。漢律曰婦告威姑。廣雅釋親姑謂之威。疏證威姑即爾雅

所謂君姑也。君與威古聲相近。說文若從艸君聲讀若威是其

例也。爾雅釋親謂夫之庶母為少姑。夫之兄為兄公。夫之姊

為女公。爾雅釋親謂夫之庶母為少姑。夫之兄為兄公。夫之姊

妻之父母曰外舅外姑。爾雅釋親妻之父為外舅。妻之母為外

姑。釋名釋親屬第十一。妻之父曰外舅。妻之母曰外姑。言妻從

外來謂至己家為歸。故反以此義稱之。夫妻匹敵之義也。

孫之子一世為曾孫。二世為元孫。三世為來孫。曰耳孫。四世為

舅孫五世爲仍孫六世爲雲孫姪之子爲歸孫女子之子爲外孫
姊妹之孫爲離孫於父之舅氏自稱曰彌甥爾雅釋親子之子

爲孫孫之子爲曾孫曾孫之子爲元孫元孫之子爲來孫來孫
之子爲舅孫舅孫之子爲仍孫仍孫之子爲雲孫釋名釋親屬
第十一曾孫義如曾祖也元孫元懸也上懸於高祖最在下也
來孫此在無服之外其意疎遠呼之乃來也舅孫舅貫也恩情
轉遠以禮貫連之耳仍孫以禮仍有之耳恩意實遠也雲孫謂
去已遠如浮雲也。舅音昆本亦作昆漢書惠帝紀上造以

上及內外公孫耳孫注應劭曰耳孫者元孫之子也言去其曾
高益遠但耳聞之也李斐曰耳孫曾孫也晉灼曰耳孫元孫之

曾孫也師古曰耳孫諸說不同據平紀及諸侯王表說梁孝王

孫之子耳孫耳音仍又匈奴傳說握衍朮單于云烏維單

于耳孫以此參之李云曾孫是也然漢書諸處又皆云曾孫非
一不應雜兩稱而言據爾雅曾孫之子爲元孫元孫之子爲來
孫來孫之子爲昆孫昆孫之子爲仍孫從己而數是爲八葉則
與晉說相同仍耳聲相近蓋一號也爾雅釋親男子謂姊妹

之子爲出女子謂舅弟之子爲姪謂出之子爲離孫謂姪之子
爲歸孫女子之子爲外孫正義總麻三月章云外孫賈疏以
女出外適而生故云外孫釋名釋親屬第十一姪之子曰歸孫
婦人謂嫁曰歸姪子列故其所生爲孫也出之子曰離孫言遠

離己也左傳哀公二十三年以肥之得備彌甥也注彌遠也

康子父之舅氏故稱彌甥疏彌者增益之義故爲遠也

長子謂之家督主婦謂之君婦夫婦相稱爲伉儷兩壻相稱爲友
壻諸婦相稱爲妯娌史記越世家家有長子曰家督詩楚茨

君婦莫莫箋云君婦謂后也凡適妻稱君婦故妾稱之爲女君也左傳成公十一年已不能庇其仇儷而亡之注儷耦也仇敵也疏仇儷者言是相敵之匹耦。苦浪力計二反十釋名釋親屬第十一兩壻相謂曰亞又曰友壻言相親友也漢書嚴助傳上問助居鄉里時助對曰家貧爲友壻富人所辱注友壻同門之壻上廣雅釋親妯娌娣姒先後也疏證方言築婁匹也郭注云今關西兄弟婦相呼爲築婁築與妯同爾雅長婦謂稚婦爲娣婦娣婦謂長婦爲姒婦郭注云今相呼先後或云妯娌漢書郊祀志長陵女子以乳死見神於先後宛若師古曰古謂之娣姒今關中俗呼之爲先後吳楚俗呼之爲妯娌

娶媿娶彌嬰覓也。

說文解字第十二媿娶媿也釋名釋長幼第

十人始生曰嬰兒或曰嬰媿。○嬰一作驚。禮雜記下中路嬰兒失其母焉。注嬰猶驚彌也。○驚於奚反彌五兮反一音迷。

釐孳孳生也。方言三陳楚之間凡人罌乳而雙產謂之釐孳。秦

晉之間謂之健子自關而東趙魏之間謂之孳生。注孳音茲孳

蘇官反疏證說文孳一乳兩子也亦作孳廣雅釐孳健孳也義

本此釐亦作孳孳亦作孳玉篇云孳孳雙生也。因未越之前

苗裔遠胃也。楚辭離騷經帝高陽之苗裔兮。朱子集注苗裔遠

孫也。首對發義云即命泉輔以發德首與廣出傑首謂且也。賦

謂且右親屬。謂黑也。此風謂之黎且史蹟秦故皇帝跡更命且

元首至尊君也。書益稷元首起哉。傳元首君也。文選過秦論

履至尊而制六合。按天子至尊見儀禮第十一子夏傳西京賦

侈靡踰乎至尊。李善注引之又東京賦降至尊以訓恭。薛綜注

至尊天子也尊字善出片之又東京趙剡至尊以瞻恭藉絲五

黎苗黔首元元黎蒸民也。後漢書皇后紀上損膳解驂以瞻黎

苗注廣雅云苗眾也廣雅釋詁黔首氓民也疏證黔首者秦

謂民為黔首謂黑色也周謂之黎民史記秦始皇帝紀更命民

曰黔首按祭義云明命鬼神以為黔首則鄭注黔首謂民也魏

策云撫社稷安黔首呂氏春秋大樂篇云和遠近說黔首韓非

子忠孝篇云古者黔首挽密憇愚諸書皆在六國未滅之前蓋

舊有此稱而至秦遂以為定名非始皇創為之也國策秦策

子元元高氏注元善也民之類善故稱元後漢書光武帝紀上

上當天地之心下為元元所歸注元元謂黎庶也元元猶言喁

喁可矜怜之辭也漢書司馬相如傳下正陽顯見覺寤黎蒸

注黎蒸眾庶也漢書司馬相如傳下正陽顯見覺寤黎蒸

百揆冢宰天官吏部也。

書舜典納于百揆傳百揆無所不總者

揆度也度百事總百官疏揆度釋言文百揆者言百事皆度之

周官云唐虞稽古建官惟百內有百揆四岳則百揆爲官名

又周官冢宰掌邦治統百官均四海疏周禮云乃立天官冢宰

馬融云冢大也宰治也周禮天官冢宰疏刻目錄云象天所

立之官象天者周天有三百六十餘度天官亦總攝三百六十

官故云象天也云官者亦是管攝爲號故題曰天官也通典二

十三職官五周禮天官太宰掌建王之六典以佐王理邦國注

變冢言太者百官總焉則謂之冢宰列職於王則謂之太宰漢

成帝初分尙書置四曹至光武乃分爲六曹迄於魏晉或五或

六無有常典自宋齊以來多定爲六曹稍似周禮至隋六部其

制益明大唐武太后遂以吏部爲天官戶部爲地官禮部爲春

官兵部爲夏官刑部爲秋官工部爲冬官以承周六官之制

司徒地官度支戶部也。〔書舜典〕汝作司徒敬敷五教在寬。〔周

禮地官〕司徒疏鄭目錄云象地所立之官司司徒主眾徒地者載

養萬物天子立司徒掌邦教亦所以安擾萬民。〔通典二十三

職官五〕魏文帝置度支。尚書專掌軍國支計吳有戶部而晉有

度支皆主算計也開皇三年改度支爲民部統度支民部金部

倉部四曹國家修隋志謂之戶部蓋以廟諱故也初戶部尚書

居禮部之後武太后改置天地四時之官以戶部爲地官由是

遂居禮部前。

宗伯秩宗春官禮部也。〔書周官〕宗伯掌邦禮治神人和上下疏

宗廟也伯長也宗廟官之長故名其官爲宗伯又周禮春官宗

伯乃立春官宗伯使帥其屬而掌邦禮。〔注〕鄭司農云宗伯主禮

之官疏鄭目錄云象春所立之官也宗尊也伯長也書舜典

帝曰俞咨伯汝作秩宗傳秩序宗尊也疏主郊廟之官掌序鬼

神尊卑故以秩宗為名通典二十三職官五唐虞之時秩宗

大典三禮周禮春官大宗伯掌建邦之天神人鬼地祇之禮後漢

尚書吏曹兼掌齋祀亦其職也至隋置禮部尚書統禮部祠部

主客膳部四曹蓋因後周禮部之名兼前代祠部儀曹之職

司馬兵部也書周官司馬掌邦政統六師平邦國傳夏官卿主

戎馬之事通典二十三職官五周禮夏官大司馬之職掌以九

伐之法正邦國制軍誥禁以糾邦國領校人牧師職方司兵之

屬即今兵部之任也

司寇刑部也書周官司寇掌邦禁誥姦慝刑暴亂傳秋官卿主

寇賊通典二十三職官五唐虞之時士官以正五刑周禮秋官

大司寇掌邦之三典以佐王刑邦國蓋其任也後周有秋官大司寇卿掌刑邦國隋初有都官尚書開皇三年改都官爲刑部

尚書合兵時文五世

司空工部也。書舜典伯禹作司空。又周官司空掌邦土居四民

時地利傳冬官卿主國空土以居民士農工商四人使順天時

分地利授之士能吐生百穀故曰土通典二十二職官五周禮

終其屬有考工掌百工之事後周有冬官大司空卿掌五材九

範之法至隋乃有工部尚書出至割置甄隋尚書蘇甄將陳隋

大司憲都御史也。通考五十三職官七梁及後魏北齊或謂之

南臺後周日司憲又後唐有司憲中大夫二人掌司寇之法辨

國之五祭及隋以國諱改中丞爲大夫唐因隋亦曰大夫龍朔

二年改爲大司憲參春洎立文官也宗尊也外是也

奉常太常也。又五十五職官九。今大常者亦唐虞伯夷為秩宗

兼夔典樂之任也。周時曰宗伯為春官掌邦禮。秦改曰奉常。漢

初曰太常。惠帝更名奉常。景帝六年更名太常。故禮明考之

司宰司膳光祿也。又同上。唐龍朔二年改光祿寺為司宰寺。咸

亨初復舊。光宅元年為司膳。神龍初復舊。史十人人又撰於官

司僕司馭太僕也。又五十六職官十。唐龍朔二年改太僕為司

馭。咸亨初復舊。光宅元年改為司僕。神龍初復舊。史十人人又撰於官

廷尉詳刑大理也。又同上。秦為廷尉。漢因之。景帝中元六年更

名大理。唐龍朔二年改大理為詳刑。咸亨元年復舊。光宅元年

改為司刑。神龍元年復舊。十四職官十。史十人人又撰於官

司賓鴻臚也。又同上。唐龍朔二年改鴻臚為司文。咸亨初復舊

光宅初改為司賓。神龍初復舊。史十人人又撰於官

司成祭酒也。又五十七職官十一。龍朔二年改爲司成館。又改

祭酒爲大司成。咸亨初復舊。

端尹詹事也。又六十職官十四。詹事秦官。漢因之。唐龍朔二年

改詹事爲端尹。少詹事爲少尹。咸亨初復舊。垂拱元年又改詹

事爲宮尹。少詹事爲少尹。神龍初復舊。

蘭臺祕書翰林也。又五十六職官十一。祕書省校書郎。漢之蘭臺

及後漢東觀皆藏書之室。亦著述之所。多當時文學之士。使讎

校於其中。故有校書之職。後於蘭臺置令史十八人。又選他官

人東觀。皆令典校祕書。或撰述傳記。當時重其職。故學者稱東

觀爲老氏藏室。道家蓬萊山焉。按翰林之職。至唐始盛。卽漢之

祕書監。蘭臺令史也。考詳洪遵翰苑羣書。唐李肇翰林志。

韋處士翰林學士記。韋執誼翰林院故事。楊鉅翰林學士院舊

規宋蘇易簡續翰林志蘇耆次續翰林志及玉海一百二十一
官制文不備錄八千六百四十一少師十一正官七十二孤部十一

內史中書也

又五十一職官五隋初改中書為內史又改內史為內書後復為內史按內史昉於周官後世中書令亦稱內史然非舍人職也自唐以後內史之職無聞焉考詳玉海一百二十一官制及歷代職官表二內閣表文不備載

三公太師太傅太保也

書周官立太師太傅太保茲惟三公傳師天子所師法傅傅相天子保保安天子於德義者漢書百官公卿表上太師太傅太保是為三公注應劭曰師訓也傅覆也保養也師古曰傅相也

三孤少師少傅少保也

書周官少師少傅少保曰三孤傳孤特也言卑於公尊於卿特置此三者

中宮皇后也。

漢書哀帝紀食邑如長信宮中宮注中宮皇后之

宮周禮天官內宰以陰禮教六宮注六宮謂后也教者不敢斥

言之謂之六宮若今稱皇后為中宮矣

漢制帝祖母稱長信宮帝母稱長樂宮

文選齊敬皇后哀策文

哀長信之莫臨注應劭漢官儀曰帝祖母為太皇太后其所居

曰長信宮也

後漢書皇后紀上皆如長樂宮故事注漢官儀

曰帝祖母稱長信宮帝母稱長樂宮

婕妤容華姪娥充衣昭儀順常無涓共和娛靈寶林良使夜者兩

漢時女官也。

後漢書皇后紀上至乃掖庭三千增級十四注婕

妤一姪娥二容華三充衣四已上武帝置昭儀五元帝置美人

六良人七七子八八子九長使十少使十一五官十二順常十

三舞涓共和娛靈保林良娣使夜者十四此六官品秩同為一

等也。正通考二百五十三引舞作無良下無娣字。又漢書外戚傳上漢興因秦之稱號適稱皇后妾皆稱夫人。又有美人良人八子七子長使少使之號焉。至武帝制婕妤嬪娥倢倢各倢倢有爵位而元帝加昭儀之號凡十四等云。昭儀位視丞相。婕妤視上卿。嬪娥視中二千石。倢倢視真二千石。美人視二千石。八子視千石。充依視千石。七子視八百石。良人視八百石。長使視六百石。少使視四百石。五官視三百石。順常視二百石。無涓共和娛靈保林良使夜者皆視百石。注。婕言接幸於上也。倢美稱也。嬪娥皆美貌也。俗倢猶言奕奕也。便習之意也。充依言充後庭而依秩序也。倢音接。仔音子。或從女其音同耳。嬪音五。經反。俗音容。昭儀昭顯其儀示隆重也。涓絮也。無涓言無所不絮也。共讀曰恭言恭順而和柔也。娛靈可以娛樂情靈也。保安也。保

林言其可安眾如林也。良使使令之善者也。夜者主職夜事。

通考二百五十三引俗華作俗偉。事文類聚前集帝系部引漢

外戚傳保林作寶林。據顏注寶當作保。其音同。耳。致音正。錄又

貴嬪。淑媛。修容。順成。良人。昭華。修儀。淑儀。充華。魏晉時女官也。承

徽。列榮。梁時女官也。通考二百五十三帝系四。魏因漢法。母后

之號。皆如舊制。自夫人以下。世有增損。文帝增貴嬪。淑媛。修容。

順成。良人。明帝增淑妃。昭華。修儀。又二百五十四帝系五。晉

武帝采漢魏之制。置貴嬪。夫人。貴人。是為三夫人。淑妃。淑媛。淑

儀。修華。修容。修儀。婕妤。好容。華。充華。是為九嬪。文見南史。后妃

傳。又梁武定令制。貴妃。貴嬪。貴姬。為三夫人。淑媛。淑儀。淑容。

昭華。昭儀。昭容。修華。修儀。修容。為九嬪。婕妤。好容。華。充華。承徽。列

榮。為五職。竝見南史。后妃傳。上無夏。下無微。字。又。通書。伏。如。

良娣孺子保林才人皆太子嬪妾也。漢書武五子傳納史良娣

注韋昭曰良娣太子之內官也太子有妃有良娣有孺子凡三

等通考二百五十四帝系五太子宮置三內職良娣比開國

侯保林比五等侯才人比駙馬都尉按此齊高帝建元三年所

定梁則東宮置良娣保林為二職並見南史后妃傳

右君臣

望獲天皇也。路史中三皇紀粵有天皇是曰天靈望獲強尊注

以獲為名以望為姓字子潤號中天皇君並詳洞神部

岳鏗地皇也。又同上天皇氏逸地皇氏作出於雄耳龍門之岳

鏗名岳姓注字子元號中地皇君

愷胡洮人皇也。又九頭紀地皇氏逸于有人皇胡洮龍軀注姓

愷名胡洮字文生

侯岡頡史皇氏倉頡也。又禪通紀倉帝史皇氏名頡姓侯岡注

見地記皇山又火龍跡此皇又與干亦人皇時將諸靈玉

栢芝栢皇氏也。又同上栢皇氏姓栢名芝

釐連釐蓄昆連氏也。又同上昆連氏一曰釐連氏一曰釐蓄氏

昆連者昏晦之謂也注釐本又作驪皇氏並精研脈絡

赫蘇赫胥氏也。又同上赫蘇氏是為赫胥注胥蘇也傳謂赫然

之德為人胥附而號之也

權天葛天氏也。又同上葛天氏葛天者權天也爰擬旋穹作權

象故以葛天為號木人此龍淵攝攝此此海高帝賦云二平也

祝誦祝龢祝融氏也。又同上祝誦氏一曰祝龢是為祝融氏

龢古文和字

古皇存巢氏也。又同上有巢氏駕六龍從日月是曰古皇注河

圖云有巢氏王天下也。駕六龍飛麟。從日月號古皇氏。

方牙蒼牙包羲太昊也。又同上。太昊伏羲氏。方牙。一曰蒼牙。風

姓。是為春皇包羲。亦號天皇人帝。皇雄氏。蒼精之君也。注易通

卦驗云。伏羲方牙精作易。又云。遂皇出握機矩表計。真而其刻

曰蒼牙。通靈昌之成。謂伏羲也。世多作庖犧。轉失。

女希女媧氏也。又同上。女皇氏。媧雲姓。一曰女希。太昊氏之

女弟。注世紀云。蚩身人首。一曰女希。是為女皇。

石年神農也。又同上。炎帝神農氏。姓伊耆。名軌。一曰石年。注見

春秋命麻序。或作耳訛。

平律黃帝也。又疏。仡紀黃帝有熊氏。姓公孫。名荼。一曰軒軒之

字曰平。律。注見黃帝經序。

紀質少昊也。又同上。小昊青陽氏。紀。姓名質。是為挈。注少昊幣

文作小周書亦作小顛

明由必育成博隕邱燧人氏四佐也。〔玉海一百二十官制明由

必育成博隕邱右燧人四佐〔釋史一太古第一開闢原始論語

擿輔象燧人四佐明由曉升級必育受稅俗成博受古諸隕邱

受延嬉燧人出天四佐出世。隕于敏切燧徐醉切

金提烏明視默紀通仲起陽侯伏羲氏六佐也。〔玉海一百二十

官制陶淵明集聖賢羣輔錄金提主化俗烏明主建福視默主

災惡紀通為中職仲起為海陸陽侯為江海右伏羲六佐見論

語擿輔象〔按此與路史釋史引羣輔錄皆作烏明舊鈔本亦同

張氏刊本作烏名未詳〔又應麟小學紺珠五名臣類上陽侯作

陽侯

風后天老五聖知命窺紀地典力墨黃帝七輔也。〔釋史五太古

第五黃帝紀論語擷輔象黃帝七輔風后受金法天老受天錄
五聖受道級知命受糾俗窺紀受變復地典受州絡力墨受準

斥州選舉翼佐帝德原注力墨蓋卽力牧

雄陶方回續牙伯陽東不訾秦不虛靈甫舜之七友也小學紺

珠五名臣類上舜七友雄陶方回續牙伯陽東不訾秦不虛靈

甫原注尸子逸士傳戰國策顏觸曰堯有九佐舜有七友禹有

五丞湯有三輔又雄陶注一作雒按尸子今逸諸書所引不同

有作五友者北堂書鈔四十九設官部一引尸子舜得友五人

曰雄陶續耳柏楊東不識秦不空皆一國之賢人也漢書二十

古今人表作雒陶續身柏陽東不訾秦不虛師古曰雒陶已下

皆舜之友也身或作耳虛或作字竝見尸子有作六人者御覽

八十一皇王部引尸子曰舜事親養兄爲天下法其游也得六

人曰雒陶方回續牙伯陽東不識秦不空皆一國之賢者也馬
驕釋史十有虞紀引尸子作六人文與御覽同唯注云或作東
不訾秦不虛又有靈甫曰七人而不載所出今考王氏紺珠引
尸子及逸士傳又引國策顏觸語以實之自當以七友之說爲
正孫氏問經堂叢書尸子輯本引御覽作其友也得五人與鮑
氏仿宋刻本不同殆猶沿明活字本及黃正色刻本之誤至王
氏所著紺珠載在玉海之末孫氏曾未之及亦云疎矣

臯陶化益真窺橫革之交禹之五佐也。 呂氏春秋求人篇禹憂

其黔首顏色黎黑竅藏不通步不相過以求賢人欲盡地利至
勞也得陶化益真窺橫革之交五人佐禹故功績銘乎金石著
於盤盂畢氏沆校正王厚齋云荀子成相曰禹得益臯陶橫革
直成爲輔此陶卽臯陶也化益卽伯益也真窺卽直成也真與

直字相類橫革名同唯之交未詳盧云按窺或是窺字與成音近。窺丑庚抽庚二切。

陶臣繇余烏陀治泮水之三佐也。路史二國名紀夏世侯伯繇

余烏陀陶臣又餘論七載錢希白紀繇余氏墓事謂繇余與陶

臣烏陀帝堯之後佐禹理水以功封吳云云乃得諸錢知平夢

寐之所述語極荒誕茲不悉錄

離朱之明。鯁俞之聰。狄牙之味甘。蠅飛衛之射。鉗且犬丙之御。僦貸季俞跗之醫。孟賁成荆烏獲荆慶之勇。白台閭須南威先施毛嬙閭姬陽文傅子孟姬之美。皆古之殊絕者。孟子四離婁注離

婁古之明目者黃帝亡其元珠使離朱索之離朱即離婁也按

離朱事見莊子外篇天地又外篇駢拇釋文離朱司馬云黃帝

時人百步見秋毫之末一云見千里針鋒孟子作離婁亦見列

子湯問篇又文選琴賦注引慎子作離珠。列子湯問篇觥俞。

師曠方夜耳俛首而聽之弗聞其聲。注觥俞未聞也。殷敬順釋。

文觥俞古之聰耳人。觥除倚反夜他歷切。法言問神篇狄。

牙能噉狄牙不能齊不齊之口。司馬光集注咸曰噉啞物聲也。

又祕曰狄牙易牙知味者也。大戴禮曰失管仲任豎刁狄牙。

列子湯問篇甘蠅古之善射者。彀弓而獸伏鳥下。弟子名飛衛。

學射於甘蠅而巧過其師。且當作且。淮南子覽冥訓若夫鉗。

且太丙之御除轡銜去鞭棄策車莫動而自舉馬莫使而自走。

也。注此二人太乙之御也。一說古得道之人以神氣御陰陽也。

○鉗音箝且疽阻二音。素問移精變氣論第十三歧伯曰色。

脈者上帝之所貴也。先師之所傳也。上古使儻貸季理色脈而。

通神明合之金木水火土四時八風六合不離其常。注先師謂。

歧伯祖世之師倣貸季也。倣卽就反。史記扁鵲列傳臣聞
上古之時醫有俞跗治病不以湯液醴灑。索隱音與附。正義俞
跗按應劭曰黃帝時將也。孟子二孟賁注賁勇士。史記范雎
列傳烏獲任鄙之力焉而死成荆。孟賁王慶忌夏育之勇焉而
死。集解許慎曰成荆古勇士孟賁衛人。國策韓策聶政刺殺韓
傀政姊嫪聞之乃之韓視之曰勇哉氣矜之隆是其軼賁育高
成荆矣。鮑彪注說文成荆古之勇士。淮南子齊俗訓孟賁成荆
無所行其威。注成荆古勇士也。呂氏春秋重已篇使烏獲疾
引牛尾尾絕力勳而牛不可行逆也。注烏獲秦武王力士也能
舉千鈞。國策趙策內無孟賁之威荆慶之斷。漢書廣川王傳
注荆軻衛人謂之慶卿燕人謂之荆卿。國策魏策左白台而
右閭須南威之美也。文選七發使先施徵舒陽。文段干吳娃

閭媼傳予之徒雜裾垂髻目窈心與注皆美女也先施即西施

也戰國策魯仲連謂孟嘗曰君後宮十妃皆衣縞紵食梁肉豈

毛廔先施哉徵舒段干傅予皆未詳莊子內篇齊物論毛嬙

麗姬人之所美也釋文司馬云毛嬙古美人一云越王美姬也

荀子賦篇閭媼子奢莫之媒也媼母力父是之喜也注閭媼

古之美女媼母醜女黃帝時人按楚辭七諫頌謂閭媼為醜惡

媼一作陬見漢書音義。媼子于反又哀時命隴廉與孟媼

同宮王逸注隴廉醜婦也孟媼好女也

媼母隴廉倭傀此隹醜茂哀駘佗敦洽古之醜人也楚辭七諫

媼母勃屑而日侍王逸注媼母醜女也又見上閭媼注隴廉

見上孟媼注文選四子講德論媼姆倭傀注醜女。煨瑰二

音疋辭九歎此隹倚於彌楹王逸注此隹醜女也。此音毗

惟音雖。左傳昭公二十八年。昔叔向適鄭。齏蔑惡欲觀叔向。

注惡貌醜。齏音駿。莊子內篇德充符。衛有惡人焉。曰哀駘。

宅。注惡醜也。釋文李云哀駘醜貌。宅其名。宅與化通。徒何反。

駘臺殆二音。呂氏春秋遇合篇。陳有惡人焉。曰敦洽。讎麋椎。

類廣顏色如漆赭。垂眼臨鼻。長肘而蓋。陳侯見而甚說之。廣。

顏畢氏按云。廣韻作廣額。田氏寶臣曰。此但當引方言。十中夏。

謂之額。汝穎淮泗之間。謂之顏。釋之爾。不煩改字也。人曰曰靈。

諍人巨靈周僂僂短小人也。

列子湯問篇。從中州以東。四十

萬里得僂。僂國。人長一尺五寸。東北極有人名曰諍。人長九尺。

注僂音譙。僂短人國名也。史記云。僂氏三尺。短之至也。韋昭。

曰。僂僂西南蠻之別名也。按括地志。在大秦國北也。又山海經。

曰。東海之外。有小人。名曰諍人。按御覽三百七十八。人事部引。

列子四十作三十九尺作一尺六寸諍作埒音靖山海經大荒
東經有小人國名靖人注詩含神霧曰東北極有人長九寸殆
謂此小人也郝氏箋疏按說文云靖細貌蓋細小之義故小人
名靖人也淮南子作埒與諍靖竝通。僥音堯注脫人御覽三
百七十八人事部漢武故事曰東郡送一短人長七寸衣冠具
足疑其山精常令在案上行召東方朔問朔至呼短人曰巨靈。
汝何忽叛來阿母還未短人不對。山海經海外南經周僥國
爲人短小冠帶一曰焦僥國在三首東注其人長三尺穴居能
爲機巧有五穀也箋疏按周僥亦焦僥聲之轉又聲轉爲朱儒
又按初學記十九卷引拾遺記云員嶠山有陀移國人長三尺
壽萬歲疑陀移卽周僥之異名

蒲衣項橐任賢張堪古之聖童也。

莊子內篇應帝王蒲衣釋文

尸子云蒲衣八歲舜讓以天下崔云卽被衣王倪之師也。國策秦策甘羅曰夫項橐生七歲而爲孔子師今臣生十二歲於茲矣。高氏注續史記作大項橐司馬貞音託尊其道德故曰大

後漢書任延傳任延字長孫南陽宛人也年十二爲諸生學於長安明詩易春秋顯名太學學中號爲任聖童。按任賢賢字似當作延然考朱國楨湧幢小品卷二十四引鬱儀異林記亦作賢不作延自別有所本也。又張堪傳張堪字君游南陽宛人也爲郡族姓堪早孤讓先父餘財數百萬與兄子年十六受業長安志美行厲諸儒號曰聖童。

東南有人長七丈名曰尺郭。一名黃父。西北有人長三千里名曰無路。西南荒有人長丈名曰先通。東南荒有人長千里名曰朴父。天竺車隣之國男女皆長丈八尺。大秦國人皆長丈五尺。神異

經東南荒經東南方有人焉周行天下身長七丈腹圍如其長頭戴雞父魃頭朱衣縞帶以赤蛇繞額尾合於頭不飲不食朝吞惡鬼三千暮吞三百此人以鬼爲飯以露爲漿名曰尺郭一名食邪一名赤黃父今世有黃父鬼原注魃頭髮煩亂也又

西北荒經西北海外有人長二千里兩腳中間相去千里腹圍一千六百里但日飲天酒五斗不食五穀魚肉好遊山海間不犯百姓不干萬物與天地同生名曰無路之人一名仁一名信一名神原注天酒甘露也又西南荒經西南大荒中有人長

一丈腹圍九尺踐龜蛇戴朱鳥左手憑白虎知河海水斗斛識山石多少知天下鳥獸言語土地上人民所道知百穀可食識草木鹹苦名曰聖一名哲一名賢一名無不達凡人見而拜之令人神智此人爲天下聖人也一名先通又一名賢原注俗曰

先知按御覽三百七十七引此經朱鳥下有左手憑青龍五字
今本脫又右手憑白虎右譌作左應補正又東南荒經東南
隅太荒之中有樸父焉夫婦竝高千里腹圍百輔天初立時使
其夫妻導開百川嬾不用意謫之竝立東南不飲不食不畏寒
暑惟飲天露須黃河清當復使其夫婦導護百川。樸與朴同
又御覽三百七十七人事部魏略曰天竺國人皆長一丈八尺
車隣國男女皆長一丈八尺又外國圖曰大秦國人長一丈
五尺猿臂長脅好騎駱駝

規額籛條侏儒焦僂痲瘖僮昏聾瞶蒙跛謂之八疾。國語晉語

文公問於胥臣曰吾欲使陽處父傅驩也而教誨之其能善之
乎對曰是在驩也籛條不可使侏僂痲瘖不可使仰僂焦不可使
舉侏儒不可使援蒙跛不可使視聾瘖不可使言聾瞶不可使

聽僮昏不可使謀質將善而賢良贊之則濟可俟也若有違質
教將不入其何善之爲公曰然則教無益乎對曰胡爲文益其
質故人生而學非學不入公曰奈夫入疾何對曰官師之所材
也戚施直縛籛條蒙璆侏儒扶盧蒙睽修聲聾聵司火僮昏
瘖焦僥官師所不材也以實裔士夫教者因體能質而利之者
也若川然有原以印浦而後大按規額卽戚施見廣雅六釋訓
又詳卷二籛條戚施醜惡也注。籛條渠除二音侏章俱切內
傳作朱焦本作僇在遙吾聊二切又見上短小人注瘖本作瞽
五金切瘖於金切玉篇中才部瘖於假切瘖瘖也聵五拜切蒙
睽莫紅素口二切

頰車颯車頰輔也。

釋名釋形體第八頤養也動於下止於上上

下阻物以養人也或曰輔車言其骨強所以輔持口也或曰牙

車牙所載也。或曰領車領含也。口含物之車也。或曰頰車。車亦所以載物也。或曰鼪車。鼪鼠之食積於頰。人食似之。故取名也。凡繫於車皆取在下載上物也。頰音筴。鼪邱檢切。

承漿口下也。

又同上。口下曰承漿。承水漿也。

立人鼻下也。

又同上。鼻下曰立。人取立於鼻下。狹而長。似人立也。

軍營華池口也。

御覽三百六十七。人事部養生經曰。軍營之中有甘泉。注云。軍營口也。甘泉唾也。又口口為華池。

辛府腠理也。

素問水熱穴論第六十一。腎汗出。逢於風。客於辛府。行於皮裏。傳為癩腫。所謂辛府者。汗空也。注。汗液色辛。從空

而出。以汗聚於裏。故謂之辛府。府聚也。又骨空論第六十。督脈者。起於少腹以下骨

隱器。廷孔前陰也。

又骨空論第六十。督脈者。起於少腹以下骨

中央女子入繫廷孔。其孔溺孔之端也。其絡循陰器。合篡間繞篡後。注繫廷孔者。謂窈漏近所謂前陰穴也。窈漏之中。其上有溺孔焉。端謂陰廷在溺孔之上端也。

魄門穀道也。

又五藏別論第十一。魄門亦為五藏使水穀不得

久藏。又脈要精微論第十七。倉廩不藏者。是門戶不要也。注倉

廩謂脾胃門戶。謂魄門。魄門則肛門也。

天癸月客。姪變月事也。

又上古天真論第一。歧伯曰。女子七歲

腎氣盛。齒更髮長。二七而天。癸至。月事以時。下故有子。注癸謂

壬癸。北方水。干名也。所以謂之月事者。平和之氣。常以三旬而

一見也。通雅十八。身體類。神仙服食經曰。仙藥有陽丹陰丹

婦人乳汁也。婦人十五已上。下為月。客絕上為乳汁。說文解

字第十二。姪。婦人汚也。从女。半聲。漢律曰。見姪。變不得侍祠博

慢切

隴咽喉語也。

後漢書五行志一桓帝之初天下童謠曰吏買馬

君具車請為諸君鼓隴。胡謂不敢公言私咽喉語。嘲原作胡隴

力公切

歟鼻息也。

鼻當作齶。玉篇上鼻部。歟。齶。鼻息也。又齶字注云

面瘡音傍孝切。非此義。歟呼洽切。齶火侯切。

肱贅結肉也。

荀子宥坐篇今學會未如肱贅則具然欲為人師

注肱贅結肉。肱羽流切

釋名稱

女子之子為外孫

五之二

爾雅釋親女子之子為外孫今按

鈔本作女子之孫為外孫張刻本作女子之子為外孫訓纂引

爾雅釋親作女子之子為外孫與駢雅文異今考儀禮喪服

第十一女子子在室為父鄭氏注女子者子女也別於男子

也賈疏女子子者子女也別於男子也者男子女子各單稱子

是對父母生稱今於女子別加一字故雙言二子以別於男

子者日知錄卷六女子子條女子子謂己所生之子若兄弟之

子言女子者別於男子也

猶左氏言女公子

古人謂其女亦日子詩曰

齊侯之子衛侯之妻論語曰以其子妻之是也此章言男女之

別故加女子於子之上以明之下乃專言兄弟者兄弟至親只

弟之於姊妹猶弗與同席同器而況於姑乎況於女子子乎不言從子不言父據兄弟可知也喪服小記言女子子在室為父母杖然則女子子為已所生之子明矣原注胡氏謂重言子文衍黃氏以為女子之子皆非。所駁兩條鬱儀之說本此舊鈔本作孫尤誤也

燧人四佐五之三

釋史一太古第一開闢原始論語擣輔象燧人

四佐明由曉升級必育受稅俗成博受古諸隕邱受延嬉燧人

出天四佐出世今按古微書卷二十六論語擣輔象燧人出天

四佐出洛宋均注云出天天所生出洛地所生也明由曉升級級等差政必育受

稅役受賦稅及役所宜施為也成博受古諸古諸侯隕邱立受延嬉延嬉與

也主受原按古史燧人氏之時雒出四佐以代天理物乃大臣此錄也

職命明繇政乎升級畢旒辨乎方色成博受乎古諸隕葢錄乎

延禧四后職

伏羲六佐五之十三玉海一百二十官制陶淵明集聖賢羣輔金

提主化俗鳥明主建福視默主災惡紀通為中職仲起為海陸

陽侯為江海右伏羲六佐見論語擽輔象今按古微書卷二十

六論語擽輔象伏羲六佐出世宓戲不及燧人故增金提一作

主化俗為民敦風作也鳥明主建福福利也視默主災惡為民陰紀通為

中職為田主內職也仲起為海陸主平地兼統海也陽侯為江海江海一本原

按伏羲舉六佐以自策命金提媯俗指苦蓋謹窳臧視民之末

居者借力成之以靖敷民命鳥明達方澍窵木絕港道以濟不

通奠八方旌九位而分九土命視默為眊志災害察虛實居百

鵠以平民命紀通中職定於中邦仲起司陸陽侯司海六佐職

而天地位陰陽得史記太古錄黃帝紀

駢雅卷三 釋名稱 訓纂五補遺 二 澗雅齋藏板

黃帝七輔五之三釋史五太古第五黃帝紀論語擿輔象黃帝七

輔風后受金法天老受天籙五聖受道級知命受糾俗窺紀受

變復地典受州絡力牧受準斥州選舉翼佐帝德今按古微書

卷二十六論語擿輔象黃帝七輔州選舉翼佐帝德風后受金

法宋均注云金法言天老受天籙籙天教五聖受道級級次知

命受糾俗糾正也窺紀受變復有祖變能地典受州絡絡維力墨

受準斥準斥凡事也力原按黃帝紀知命糾俗天老籙教力牧

準斥鳩治決法五聖道級闕紀補闕地典州絡七輔得而天地

治神明至又世紀云黃帝以風后為上臺與天老五聖為三臺

其餘知命窺紀地典力牧常先封胡孔甲等或為帥或為將非

一人也

烏獲五之呂氏春秋重己篇使烏獲疾引牛尾尾絕力勸而牛

不可行逆也。今按孟子六然則舉烏獲之任是亦爲烏獲而已矣。注烏獲古之有力人也能舉移千鈞。焦氏循孟子正義引史記秦本紀云武王有力好戲力士任鄙烏獲。孟說皆至大官韓非子觀行篇云烏獲輕千鈞而重其身非其身重於千鈞也。勢不便也。論衡效力篇云世稱力者常褒烏獲。又鹽鐵論能言篇大夫曰夫坐言不行則牧童兼烏獲之任。

大夫曰夫平言不汙則必兼品

亦野也命商於代益云世歸代亦常夏品野又禮記命商於

非于歸言於云以野野于而而重其良非其良重效于於也

請泰本味云九王休代技趨代士卦漏品野益歸於至大官

空古身野古之休代人也漸壞味于陰無及而益于五蓬得史

不河許道也今遊益于六然限舉品野云卦景衣為品野而曰

卷三

釋宮

長樂未央長門鼓篋宜春承光池陽黃平黃山望仙長楊集賢延壽祈年通天馭娑林光甘泉交門明光五柞萬歲太乙建章夜光棠梨扶荔鼎湖西漢宮名也。 御覽一百七十三居處部漢宮闕

名曰長安有長樂宮未央宮長門宮鼓篋宮承光宮宜春宮池陽宮黃平宮長山宮望仙宮長楊宮集靈宮延壽宮祈年宮通陽宮。黃平宮長山宮望仙宮長楊宮集靈宮延壽宮祈年宮通天宮馭娑宮沛宮林光宮甘泉宮龍泉宮首山宮交門宮明光宮五柞宮萬歲宮竹宮壽宮建章宮太乙宮思子宮夜光宮棠梨宮扶荔宮柱宮鼎湖宮谷口宮又三輔黃圖二長樂宮本奏之興樂宮也高皇帝始居櫟陽七年長樂宮成徙居長安城

又黃圖二未央宮周回二十八里前殿東西五十丈深五十丈

高三十五丈營未央宮因龍首以制前殿又黃圖三長門宮

離宮在長安城孝武陳皇后得幸頗妒居長門宮鼓篁一作

鼓簧黃圖二建章有駘蕩馭娑枌詣天梁奇寶鼓簧等宮又黃

圖三引漢宮閣疏云鼓簧宮周匝一百三十步在建音宮西北

篁竝作簧與御覽引異又黃圖三宜春宮本秦之離宮在長

安城東南札縣東近下杜又池陽宮在池陽南上原之阪有

長年阪去長安五十里又黃山宮在興平縣西三十里武帝

微行西至黃山宮卽此也又黃圖一長楊宮在今盩厔縣東

南三十里本秦舊宮至漢修飾之以備行幸宮中有垂楊數畝

因爲宮名門曰射熊觀秦漢游獵之所集賢未詳疑是集仙

之譌又黃圖三集靈宮集仙宮皆武帝宮觀名也又黃圖

斬年宮穆公所造廟記曰斬年宮在城外秦始皇本紀斬年宮

在雍畢氏沅按雍錄曰黃圖斬爲祈漢書亦作祈古字通用

又黃圖三馭娑宮馭娑馬行疾貌馬行迅疾一日遍宮中言宮

之大也。悉合蘇可二切。又黃圖一林光宮胡亥所造從廣

各五里在雲陽縣界又甘泉有高光宮又有林光宮有長定宮

竹宮通天臺通靈臺。又黃圖二甘泉宮一日雲陽宮關輔記

曰秦所造漢建元中增廣之周十九里去長安三百里。又黃

圖三明光宮武帝太初四年秋起在長樂宮後南與長樂宮相

連屬。又武帝求仙起明光宮發燕趙美女二千人充之。又五

柞宮漢之離宮也在扶風盩厔宮中有五柞樹因以爲名五柞

皆連抱上枝覆蔭數畝。又萬歲宮武帝造汾陰有萬歲宮宣

帝元康四年幸萬歲宮神爵翔集以元康五年爲神爵紀元

又黃圖二建章宮武帝太初元年柏梁殿災粵巫勇之曰粵俗

有火災卽復大起屋以厭勝之帝於是作建章宮度爲千門萬

戶宮在未央宮西長安城外又黃圖三棠梨宮在甘泉苑垣

外雲陽南三十里又扶荔宮在上林苑中漢武帝元鼎六年

破南越起扶荔宮注宮以荔枝得名又鼎湖宮在湖城縣界

昔黃帝採首山銅以鑄鼎鼎成有龍下迎帝仙去小臣攀龍髯

而上者七十二人漢武帝於此建宮又樂宮在南山與北樂宮

徽行顯陽暉章含章仁壽百福清暑章華嘉福宣光明修嘉樂蔬

圃九華章陽芳德景福延休百子虞清淵冥安昌式乾林光漢晉

殿名也行當作音明修當作修明御覽一百七十五居處部晉

宮閣名曰太極殿十二間徽音殿顯陽殿暉章殿含章殿建始

殿仁壽殿百福殿清暑殿章華殿嘉福殿宣光殿修明殿嘉樂

殿芙蓉殿崇光殿華光殿蔬圃殿華德殿九華殿章陽殿百兒

殿芳德殿靈圃殿承光殿永甯殿景福殿延休殿百子殿虞清
殿淵冥殿安昌殿又山謙之丹陽記曰皇后正殿曰顯陽東曰
含章西曰徽音又洛宮之舊也含章名起後漢顯陽徽音亦起
魏曰明陽晉避文帝諱改焉又晉中興書曰烈宗起清暑殿讖
者曰清暑反語楚聲也爲殿以酸楚之聲爲號非吉祥也頃烈
宗崩桓元自號楚又洛陽宮殿簿曰明光殿徽音殿式乾殿
又建康宮殿簿云林光殿在縣東北十里湖溝村覆舟山前
晉以爲藥園按以上皆晉殿名漢殿名未載疑有脫誤今據御
覽本卷補入三輔宮殿名曰未央宮有騏驎殿椒房殿又曰長
樂宮前殿宣德殿通光殿高明殿漢宮闕名曰長安有臨華殿
神仙殿高門殿朱鳥殿曾城殿宣室殿承明殿鳳皇殿飛雲殿
昭陽殿鴛鴦殿均臺殿合懽殿漢宮典職曰德陽殿周旋容萬

人激洛水於殿下

蘭池平樂象章鳩鵲華光流渠相思長平華池迎風露寒鼎效漢觀名也。象當作豫效當作郊御覽一百七十九居處部漢宮殿

名曰長安有臨仙觀渭橋觀仙人觀霸昌觀蘭池觀平樂觀九華觀豫章觀鴻雀觀昆明觀走馬觀華光觀封巒觀走狗觀天梯觀瑤臺觀流渠觀相思觀長平觀宜春觀華池觀射熊觀迎風觀露寒觀當市觀石闕觀白渠觀鼎郊觀白虎觀懷德觀三崔觀林木觀溫德觀注潘岳關中記云鼎郊觀在士林苑按御覽此下有長平觀三字與上複今刪又鴻雀觀似係鳩鵲觀之

譌三輔黃圖四甘泉苑武帝置苑中有鳩鵲觀

宣平萬秋青綺壽成漢長安城門也。御覽一百八十三居處部

漢宮殿名曰長安有宣平門覆盎門萬秋門橫門東都門宣德

門禮城門青綺門章義門仁壽門壽成門按長安十二門見水

經渭水注考詳梁氏文選旁證一

大夏闔闔萬春長秋金牙鴻都章臺濯龍洛陽城門也又同上

洛陽有泰夏門闔闔門西華門萬春門倉龍門長秋門景福門

永巷門丙舍門鴻都門金牙門不老門章臺門濯龍門定鼎門

泰與太通大讀如太

金華清陽承休朱明白藏顯仁飛雲晉閣名也華當作光御覽

一百八十四居處部晉宮閣名曰洛陽宮有金光閣清陽閣朱

明閣承休閣安樂閣白藏閣顯仁閣崇明閣章德閣飛雲閣安

世閣長安閣長安有東明閣西華閣紫閣閣閣據御覽引當

作閣

象魏闕也周禮天官大宰乃縣治象之灋于象魏注鄭司農云

象魏闕也。疏云：象魏闕也者，周公謂之象魏，雉門之外兩觀闕。高魏魏然，孔子謂之觀。

堂堦合殿也。

廣雅釋宮：堂堦，堦也。疏證：堦通作殿，堦通作阜。漢

書胡建傳：監御史與護軍諸校列坐堂上。顏師古注云：室無四壁曰皇，太平御覽引廣雅作堂皇，合殿也。廣韻亦云：堂堦合

殿。

辟廱，類宮，瞽宗，東膠，成均，國學也。

禮王制：天子曰辟廱，諸侯曰

類宮。注：辟，明也；廱，和也。所以明和天下，類之言班也。所以班政

教也。又文王世子：大師詔之瞽宗。注：周立三代之學，學書於

有虞氏之學，學舞於夏后氏之學，學禮樂於殷之學。釋文：瞽宗

殷學名。又王制：周人養國老於東膠。注：東膠亦大學在國中

王宮之東。周禮春官大司樂：掌成均之灋以治建國之學政。

〔注〕董仲舒云成均五帝之學疏周人以成均學之舊法式以立國之學內政教也

天子牆曰賁庸諸侯曰疏杼。〔尚書大傳多士〕天子賁庸。〔注〕賁大

也。庸謂之庸大庸正直之庸。又諸侯疏杼。〔注〕疏猶衰也。杼亦庸也。衰殺其上不得正直。杼音宁。

旅樹門屏也。〔禮郊特牲〕臺門而旅樹。〔注〕旅道也。屏謂之樹。樹所

以蔽行道。管氏樹塞門塞猶蔽也。禮天子外屏諸侯內屏大夫以簾士以帷。疏樹立也。人君當門道立屏蔽內外為蔽也。云屏

謂之樹。釋宮文云禮天子外屏諸侯內屏者禮緯文。

棨桓行馬也。周禮天官掌舍設棨。桓再重。〔注〕故書桓為桓杜。于

奉讀為棨。桓。桓。桓。謂行馬。步禮戶故二反。

埤垠女牆也。〔廣雅釋宮〕埤垠。埤女牆也。疏證埤垠字或作俾倪。

或作睥睨或作僻倪釋名釋宮室第十七城上垣曰睥睨言於其孔中睥睨非常也亦曰睥睨裨也言裨助城之高也亦曰女牆言其卑小北之於城若女子之於丈夫也。晉計五計二反

又反

落時樞達也。又同上樞達北方謂之落時。落時謂之扃注門持

樞者或達北穩以為固也正義戶在東南其持樞之木或達於北方者名落時亦名為扃。扃本或作阨同音俟

掇儒短柱也。掇當作椽釋名釋宮室第十七椽儒梁上短柱也

椽儒猶侏儒短故以名之也。爾雅釋宮釋文椽之劣反木或

作椽音同

聯櫨屋栢也。說文解字第六櫨屋櫨聯也从木邊省聲武延切

〔按〕廣韻二下平聲檮字注引說文云屋聯檮也鬱儀用聯檮本
此又釋名釋宮室第十七栢或謂之檮檮縣也縣連榱頭使齊
平也

壁帶構也。

構當作稭說文繫傳第十一稭壁柱西京雜記謂之

壁帶〔按〕亦見漢書外戚傳下注此訓稭也當从繫傳說又說文
無構字段氏據篇韻補篆構訓柱上栢補各弼戟二切稭訓壁
柱平碧反

學思屏也。

〔廣雅釋宮〕學思謂之屏〔按〕學思一作罍思桴思覆思

復思前世載罍思之制凡五出考詳程大昌演繁露卷十一。

浮思二音

屨屨門門也。

〔顏氏家訓書證〕第十七古樂府歌百里奚詞曰百

里奚五羊皮憶別時烹伏雌吹屨屨今日富貴忘我爲吹當作

炊煮之炊按蔡邕月令章句曰鍵關牡也牡所以止扉也或謂之剡移然則當時貧困並以門牡木作薪炊爾聲類作屢屢又或作居古樂苑三十琴曲歌辭琴歌原注風俗通曰百里奚爲秦相堂上樂作所賃澣婦自言知音援琴撫弦而歌問之乃其故妻還爲夫婦也亦謂之屢屢歌字說曰門關謂之屢屢按釋史五十四秦穆公霸西戎所引風俗通略同又注云今本無典略又作鼓瑟今考應劭風俗通十卷內實無此文御覽五百七十二樂部十引風俗通作援琴而歌五百七十六樂部十四引典略又作鼓瑟文亦小有異同竝存備考。燄移二音門音櫃居音簞

筮屨戶牡也。

廣雅釋宮投謂之闢鍵筮屨戶此也。屨音及

鋪首鑑鉅門環也。

通雅三十八宮室類倉琅根椒圖鋪首也嬾

真子曰杜牧之花萼樓詩云唯有紫苔偏稱意年年應得上金

鋪出甘泉賦注云金鋪門首也按門之鋪首所以啣環者鋪平

聲漢注音去聲 集韻平聲四 鑑烏侯切門鋪謂之鑑 鑑按鑑

鑑有二解廣雅釋器鑑鍛謂之鑑 鑑疏證引說文鑑鍛頸鑑也

集韻鑑字注亦引之非此義。鑑胡溝切音侯

承塵、仰塵也 釋名釋牀帳第十八 承塵施於上承塵土也通雅

三十八宮室類 元有盥頂殿盥頂之制三椽其頂若笥之平今

所謂燕窩制也常居上有承塵今日仰塵

搏壁、席壁也 釋名釋牀帳第十八 搏壁以席搏著壁也。搏度

官切

綺疏、白間、文窗也 後漢書梁冀傳 窗牖皆有綺疏 青瑣圖以雲

氣仙靈注 牖小窗也綺疏謂鏤為綺文青瑣謂刻為瑣文而以

青飾之也。〔文選〕景福殿賦皎皎白間離離列錢。〔注〕白間青瑣

之側以白塗之。今猶謂之白間。間古莧切。〔餘〕蘇青與圖以雲

石材石承礎礎也。〔尚書〕大傳多土。士大夫有石材。〔注〕柱下質也

〔又〕庶人有石承。〔注〕當柱下而已不處外為飾也。礎音楚礎

音鵲燕窩師出常風土百米壘今日必壘

藻井刻屏也。〔文選〕西京賦蒂倒茄於藻井。薛綜注藻井當棟中

交木方為之如井幹也。此作刻屏提要非之。今按藻井異義

詳首卷識語門屏之上刻為連環文見陳大昌演繁露十一刻

屏屏字本此

屠蘇平屋也。〔廣雅〕釋宮屠蘇虜廌粗幕易廁庵也。〔疏〕證廣韻屠

廌草庵也。引通俗文云屋平曰屠廌。通作屠蘇。屠張刻作瘠

舊鈔本不誤

方言耳

易痢庵也

〔廣雅釋宮〕詳上廝蘇注又〔疏證〕影宋本皇甫本竝作

易痢各本譌作痢廣韻引廣雅作康。此尙沿舊本痢來達反

權落椽柀地籬也

〔又同上〕椽柀籬籬地也〔疏證〕柀今籬字

也各本柀字譌作地地下又衍一籬字蓋今本籬字本作離乃

是柀字之音既誤入正文後人又改離爲籬耳權字通作羅權

之言羅羅然也落之言落落然也古通作落釋名云青徐謂籬

曰椽椽與椽同椽玉篇音渠椽之言渠疏然也柀者叢積之名

猶荐也哀八年左傳吳人囚邾子於樓臺柀之以棘杜注云柀

擁也此與十二年傳吳人藩衛侯之舍同意。此作地籬猶沿

舊說

華表柱識也

〔古今注問答釋義第八〕程雅問曰堯設誹謗之本

何也答曰今之華表木也以橫木交柱頭狀若花也形似桔槔
大路交衢悉施焉或謂之表木以表王者納諫也亦以表識衢
路也秦乃除之漢始復修焉今西京謂之交午也

祖澹隄也。

廣雅釋宮祖澹隄也疏證祖之爲言阻遏也說文祖

木閑也木閑謂之祖水偃謂之祖義相近也澹玉篇音七故切
廣韻又側伯山責二切澹之言迫迨也說文澹所以離水也祖
澹聲亦相近按集韻祖有臻魚壯所二音故曰聲近曹憲音士
家倉故反

匱豬雷下也。

左傳襄公二十五年規匱豬注匱豬者畜流水之

陂也又周禮天官宮人爲其井匱注匱豬謂雷下之池受畜水
而流之者丹鉛總錄地理類周禮注井漏井匱暝豬按漏井今
之滲坑匱豬今之陰溝也按通雅三十八宮室類引鄭氏云匱

豬雷下地今陽溝又云以塹墁下溝曰陰明作溝者曰陽今注地作池亦無陽溝之稱蓋方氏所加也。偃諸二音雷力救切

歧旁劇旁劇驂崇期歧路也

爾雅釋宮一達謂之道路二達謂

之歧旁注歧道旁出也釋名釋道第六物兩爲歧在邊曰旁

爾雅釋宮三達謂之劇旁注今南陽冠軍樂鄉數道交錯俗呼

之五劇鄉正義詩疏引孫炎云旁出歧多故曰劇釋名釋道第

六古者列樹以表道道有夾溝以通水潦恆見修治此道旁轉

多用功稍劇也爾雅釋宮四達謂之衢五達謂之康六達謂

之莊七達謂之劇驂注三道交復有一歧出者今北海劇縣有

此道釋名釋道第六驂馬有四耳今此道有七比於劇也爾

雅釋宮八達謂之崇九達謂之達注四道交出復有旁通釋

名釋道第六崇充也道多所通人充滿其上如其期也

鴟尾瓦獸也。

通雅三十八宮室類。蚩尾或作鴟尾。祠尾。鴟吻。蘇

鶚曰蚩海獸也。漢武作柏梁有上疏曰蚩尾水精能辟火災。顏子推曰東宮舊事呼鴟尾爲祠尾。又呼爲鴟吻。黃朝英按倦游雜錄言漢以宮殿多災。術者言天上有魚尾星。宜爲象冠屋。以禳之。陳書三公黃閣聽事。置鴟尾。蕭摩訶以功寢室。並置鴟尾。北史宇文愷傳云。自晉以前未有鴟尾。藝林彙考棟宇篇。入廡序類。畱青曰。札唐之屋舍。王公以下。非常參官。不得施懸魚瓦獸。鴟尾屋脊兩頭吻獸也。拒鵠者瓦獸。上鐵叉也。

夏臺。羗里。念室。動止稽畱。狴牢。圜土。因諸若盧。居室。囹圄。獄也。

廣雅釋宮。獄。狴也。夏曰夏臺。殷曰羗里。周曰囹圄。疏證史記夏

紀云。桀召湯而囚之。夏臺。殷紀云。紂囚西伯。羗里。圜與囹同。月令省。囹圄。正義引鄭志。崇精問曰。獄。周曰圜土。殷曰羗里。夏曰